

善化縣志

卷首
序 舊序 凡例
舊凡例 修輯姓氏
目錄
卷之一
星象
卷之二
沿革

ル 5
3260
1



秀齋个庄南栗

龔
瓜
縑
花

門 儿 5
號 3260
卷 1

和 十 七 年
十 月 八 日
鑄 本

從緒个丑南葉

番禺縣志

序

粵自夏后氏任土作貢而山川田賦物產均登簡冊周禮小史掌邦國之志見於職方者尤備厥後漢代班馬諸家宗其意而詳其文今志家體例皆倣此所以紀聲教備典故令披覽者資為易俗移風之具則郡邑之志

其裨益豈淺鮮哉

聖朝版章孔厚

命儒臣纂脩一統志以總大綱而職其要
由是而省而郡而邑靡不有志惟邑
志宜詳良以邑人言邑事見聞既真
利病易悉所為紀聲教備典故者莫
切於此去秋余攝篆長沙展續脩新

志閱之山川景物政事文章燦然大
備竊意善化同城當有與長邑相頡
頽者時以未睹其書為歎今夏權莅
茲土矢志飲冰歎焉滋惕乃下車以
來案多塵牘事極冗繁仰體
上憲嘉惠元元之至意思有以噢咻
而樂利之奈典型未諳措施鮮當屢

欲搜討舊章庶知昔之製錦操刀者
或得所取衷以師吏治孰意有先得
我心者即此邑志之編輯明備也善
化踞麓山湘水之盛又得朱張講學
於其間毓秀鍾靈代生賢哲文物聲
明之盛載在省志郡志者數百載於
茲而邑志創自前明萬歷時至

國朝康熙乾嘉間已四續矣茲得諸君
子互相考訂補舊增新言以類從目
以網舉凡政治之得失興衰之倚伏
靡不瞭然於心目中而選舉一門人
才倍盛微獨科名甲第多士蒸蒸即
咸豐軍興以來凡投筆從戎者皆得
起而效忠義建勳猷文治武功得資

襄贊固不僅名流之槩範聞德之幽
光足使人仰懿行而欽貞烈已也觀
風者於是可以考俗焉觀治者於是
可以考成焉生於斯者得是有所觀
感可以考德而自勵焉宦於斯者得
是有所景行可以飭勵而無負職守
焉信乎楚寶惟賢允為首善之區不

誠與長沙相頡頏哉爰從邑紳之請
於是乎書

光緒三年歲次丁丑季夏月攝邑事
如皋冒沅誤

給與身少時歸賦始定於此

明萬曆癸丑序

邑人黃洽中景臺

志之為義從言為誌惟詩言志而二南著其始列國昭其變
 雅頌具其禮樂故實可采媿慝可鑒蓋詩中有史矣乃志也
 者其事則乘而無取駢麗其文則史而弗諧聲偶徵文詢獻
 考古鏡來攄人心之憤發垂一代之典章謂志為詩之遺也
 可我國家例自一統而下郡有郡志邑有邑志而善邑缺然
 創之自今日唐侯始誠曠舉也楚地最大而潭甲諸郡控御
 為艱方城以內始合而析再合而再析獨以邑據嶽麓之勝
 在昔為名賢講習之所一時人士彬彬向化於是乎地以人
 重而善化之名稱焉循名思義涖茲土者宜用廩廩矣賈生
 號通達國體其策治安至薄簿書期會為細故而以移風易

善化縣志 卷之首
俗非俗吏之能愚不敢謂然抑其時禹貢猶餘秦燒未燼加以漢高寬仁孝文恭儉物力易復人共其生議者不得不先教化而今何如也善乎孟子之言曰聖人治天下使有菽粟如水火菽粟如水火而民焉有不仁者乎竊以爲欲富而教舍簿書期會無足述者蓋事無細大理無雅俗浮涉之則錢穀刑名之具精行之皆經濟道德之猷也是故戴星而入可以教勤雨不失期可以示信弛罰緩用可以昭儉省耕察斂可以重時矜情字弱可與宣慈尙德貴齒可與明讓立苗去害可與臥赤校藝升俊可與興學飭保伍甲鄉社可使席帖而歌絃汰治表貞獎誠抑競可使礪節而砥行諸如斯類有好必甚服而習之風俗自同嘗觀孔子攝相三月用魯一變

之意必有驚世幻俗之爲而事道獵較取供簿正以此化民以此及物始信庖丁之解牛也以無厚入有閒恢恢餘地進乎技哉夫有一事卽具一本正其本事自理謂簿書期會不可語於移風易俗是釋斧斤芒刃之用而奏耒騶理解之效也必不綏矣昔人身都三公恨未爲令而今昔勢殊掣肘借喻抑聖詰之觀政與末世之采風莫可同與又在各行其志耳唐侯爲政三年潔已愛民我誨我殖日有最績因以其政著爲志舉舊告新嘉惠良遠也愚爲之次其略如此

教諭 陸 寬

星沙於楚爲鉅郡茅土所胙國家倚爲長城善化隸之稱最劇焉邑故未有志御事者披牒問言輒相與咨嗟而藉於載

筆歲庚戌崑來唐侯涖茲土搜掌故知邑志缺慨然曰是何以徵文考獻宏化宜民乎哉屬以車甫下謙讓未遑而且歲有旱魃野有蜚鴻甯其以撫循先撰述益越三載政通人和而始殫心於斯役也邑建置紀載頗多荒略於是以蒐輯討究屬吳子道行而其大旨則依景臺黃公所定公負直行富藏書援證持議卓有可據我侯虛心諮訪折衷其肯綮而組藻其精華師虞之又同繹之以俾寬校核焉其言曰今天下自國史外郡若邑莫不有志善化當楚孔道舟車絡繹民勁悍媮生而鮮積聚緡錢踐更有租調之供逋逃有淵藪之萃幾不可問以至風俗之良莠水利之蓄洩古道之修復一切興除皆當事所亟宜圖者不佞受事按籍苦於無稽閒出意

匠經營變通之損益之參訂異同則姑存其說於志以俟來者且是編也未事二三已事七八上自天文下逮地理人物藝文之屬凡有關於政體者備錄之不厭其奢後之君子入疆問政則惟茲志在噫嘻此其意不亦宏廓深遠哉夫善醫者察脈手劑其存活在一時惟是辨證絜方著爲成書使天下後世獲操之以治病爲德始博侯之治則醫國之方而永賴之猷也在史檮杌夔乎尙矣漢魏而下若荆楚歲時長沙岳陽風土諸傳記有典贍於斯志者哉書成當必有與墳典邛索并讀者

邑人 吳道行

今天下憲往章來無弗以志徵者善邑創自宋元符閒逮今

五百年餘時事民生官聯文獻沿革損益不知凡幾變而可無志以紀之乎歲庚戌邑侯唐公以兩浙名家泣茲土輒雅意典故考之志而志闕如也則慨然以爲慨屬不肖使載筆焉不肖惴惴謝不敏迄癸丑我侯慮單於庶政神洽於四封百廢聿舉績用奏成重念志典不備謂一方文獻何遂毅然議撰著而仍以屬不肖夫子長八書必成之歷遊之後孟堅十志幾二十年始就不肖何人奚以稱塞益惴惴謝不敏乃嚴諭至再弗獲固辭而始飲冰受命爰竭愚陋博采詳蒐於省志郡志得十之四全史故籍得十之二而又參之簿書所紀稽之鄉正所傳於是創著成帙首列以圖志沿革謂先王畫地親民無先邑治也乃察變授時準之天文志星野分別

壤表用表厥鎮志地理民與習移化以振習志風俗蕞爾土毛民用是需則壤成賦倍斂可虞志物產志賦役麓湘帶礪藩屏是基志封建惟令與師政教攸資志職官登明顛俊蔚爲國器志選舉流英布愷德我黔黎志宦績懿履閭則人綱人紀志人物笈簽所駐風範如在志流寓公堂體國儲廩惠下樂育矜鳥耀茲文明志建置志學校思患除戎禋祀崇報異蹟芳蹤仰止寄眺志兵防志祀典古蹟天人應感可以徵變志祥異二氏蠡起世且溺趨志方外稗書臆纂足備周咨志雜紀若夫載事宣猷抒靈寄興文彩燦如弗可湮也志藝文勉撰凡若干萬言三閱月始就不肖蕪陋無當僅供搜葺至於裁訂總核抽思振藻我侯以政優之下一著定之裕如

也尋謂典屬宏鉅非至廣不能成至要橐甫脫旣以質之景
臺黃公悉爲論次會吾師陸公來司風教我侯手是編特託
刪潤焉則復與吾師饒公暨黃師伯仲吳生愉相與揚摧之
繙牘詮正芟繁就簡則陸公之力居多始事於癸丑六月以
甲寅五月竣役不肖幸藉手告成非敢自謂一方信史聊以
載吾邑故實俾不第廢耳敬爲詳其由若此後之生斯宦斯
者於以敦紀宏化亦惟茲志在則是舉也或亦千百年不朽
之規而我侯之垂澤遠爲德深矣

明崇禎癸酉序

知縣 黃承中

善化於星沙爲首邑湘嶽鍾靈先賢過化俊義炳烺夫非文
獻奧區哉而邑固未有志也萬曆癸丑武陵唐侯始創之以

彙集屬吳生道行而學博恕之陸公鄉達景臺黃公司裁訂
焉存古則幽遐備具識今則鉅細兼該所稱一邦信史非耶
余不佞獲縮符茲土徵文考獻幸有茲志在乃刻本散佚無
幾屢奉上臺檄取而查無以應也且邇來世變多艱廢興靡
一更宜詮次臚列於是仍屬吳生稽原本總時務詳核增損
付之剞劂以告來者而余獨有感於晦明倚伏之故也以善
之名邑其山川風景不依然往昔也乎乃物力由豐而絀戶
口由蕃而耗征斂由約而盈俗尙由純而澆百度由舉而敝
兼之兵興震鄰餉派日增余猥以謏陋拮据宵旦靡遑志所
已事亟遵之志所未事亟行之環視提封謚如綏定以庶幾
於邑志萬一而今且一割無裨弛擔以去余三復掄批覺慙

善化縣志 卷之首
且愧矣雖然茲志之所爲載也甯惟是侈景物豔觀美已耶
將民風吏治必有隱約以見者後之君子因時考事因事稽
籍於以抒猷達化而維茲江河之趨則茲志詎一虛車云乎
哉斯固余今日存志之意因僭附數言於簡端云

國朝康熙壬子序

邑人 李有藻

古國史而外郡邑各有志志卽史也善化獨無志者何非無
志也善化自宋元符始建初則隸長沙焉明萬曆癸丑武陵
唐公源蒞茲土搜掌故知邑志缺如於是以蒐葺討論屬吳
公道行而其大指則從景臺黃公所定歷甲寅始告成迨崇
禎癸未冬獻賊犯長勝從甚眾甲申左兵驕悍焚殺無遺遑
問所爲志耶

皇清定鼎蕩掃寇氛四方底定歌太平者三十年

詔修一統志爰省徵府府徵縣其有未經兵燹受禍稍淺者俱得
以志報善化求隻字杳不可得壬子有藻省試南歸邑侯孫
公忽召藻與李生焜俱惴惴謝不敏繼出同庠公舉嚴諭至
再弗獲固辭而李生焜就館遠鄉藻何人敢當此任又不敢
重卻邑侯命勉焚膏呵凍竭日夜之力從府志中摘取僅得
什之一二參以父老傳聞創著成帙甯簡毋繁要傳信不傳
疑也時上臺檄取甚嚴迫甫一月稟就不自知其鄙陋聊以
塞責云爾至裁訂潤色我侯博學鴻裁兼綜條貫將見燦然
大備今日之志不居然後日之鼎彝乎謹識

康熙乙丑序

知縣 孫謙

古今事物之理莫不載於經史至於經史所未詳者而志備之志顧不重與然而難言矣夫志近於史而原於經作史不由於經則無本之辭蹢躅焉而已修志不宗乎史則無體之學坳堂焉而已故曰修志之難同於作史善化爲星沙首邑湘嶽鍾靈名勝實甲於他郡而又經先賢倡教贊化一時文獻濟美當必有志而可以爲今日考鏡之林者邇其由來善之有志自明季萬厯武陵唐侯俶勑之而續修於崇禎蜀東黃侯過此遂無有繼起者謙自甲子五月下車竊以爲前事不終後人之恥矧恭逢

皇上典學右文

詔天下郡縣纂修通志以昭當代大典以故各憲檄取邑志以咨

討論遂不辭固陋而力任修輯但善邑當楚地衝道疊罹逆寇蹂躪圖籍散佚斷缺卽間有殘編率多荒陋舛譌此修志所以難而修善邑之志爲尤難也今幸有紳士之多聞而賢者得以互相參訂或綜厥綱或條厥目補缺增新丙夜讐校不一載而志犁然具矣雖是志也在善言善終屬管窺蠡見何足以備

國書之採擇然一筆削一辨正無不以經爲經以史爲緯綜事辭之紛綸衷道法於一定是亦傳信不傳疑之書也則後之守土者而有事於志詎猶致歎於考鏡之無自也哉

教諭 姚之年

古人胙土建邑每因地命名宋設此而名以善化豈以其地

善化縣志 卷之五
割臨湘中湘之邊幅習尚各殊必化而歸於一非善政善教不可耶溯自紹興以來朱張倡明理學時瀟湘有洙泗之風嗣是劉其父真景元相繼守潭益闡揚晦庵南軒之教故元志云學者勤於禮耕者勤於力士風純古而好修則宋治之善至元而未衰可知已明之守令代有循良和民造士要皆不失先賢遺愛創建惜陰修復城南而嶽麓書院更加意振興與嵩陽白鹿并著於天下雖末造式微闔巷猶恥爲不善而相勸於善其感發不亦甚乎我

朝定鼎戡亂之餘聿隆文治凡保釐茲土者靡不拯士女之顛連而戢奸暴獎純良端士習淑民情爲政爲教上接未張夫以善治之積累如是而乃文獻無徵典章弗備將上之所以化民與民之所以向化者果何從而稽之哉邑侯孫公惓惓致慮嘗與年商推舉行今春部檄由省徵府府徵縣令各成信史俾周知阨塞險要山川風土人物耆舊戶口多寡強弱之數我侯遂獨任纂修其綜核起草者趙生也揆藻芟繁秩然有典而有則者邑侯也年惟是樂觀六善之咸備又何容別出臆見以參之乎雖然邑志創於武陵唐侯繼之東普黃侯時則有吳生道行應之

國朝重修於交城孫侯時則有李生有藻李生焜應之今則又有趙生應之數子居今稽古足供秉筆之任益可見是邑之多才而教化之流澤遠矣

邑人 趙又昂

爲政非可按籍而求也本諸仁心措之仁政治天下無難矣一邑云乎哉然而建邦分土幅員有廣狹風俗有純薄損益沿革有得有失苟無簡策以徵之則興利除害不能周知物理民情因地制宜治化終扞格而無緒昔鄧侯入秦悉收圖籍助成漢業誠見夫寶玉貨財莫貴於此也善邑設於宋至明萬曆癸丑五百餘年尙未有志唐侯始屬吳生載筆雖闕志以前未嘗不治而廉能之嘉績賢哲之芳蹤與城闕人民兵農校塾之類其興廢盛衰未免湮沒不著宜唐侯始創之而崇禎癸酉黃侯復繼修之已成一方信史豈不謂自茲以往生斯逝斯者不過續增簡帙以相傳於無窮孰知未及十載而寇訖於疆兵潰於域干戈日尋而邑志竟與舊時人物

共淪亡矣則此邦文獻又仍然湮滅而不著

國朝交城孫侯曾爲此慮康熙壬子命李生有藻繼吳生之後大率責成過迫不暇博訪散軼略而弗詳隨值滇黔告變未授劄剛延至於今邑志闕焉未備歲乙丑蕩平久奏海宇乂安省志郡志燦然畢舉金陵孫邑侯撫綏茲土本念酌古準今以善俗而更化適上檄索志諄切時昂蒙各上憲令攝義學訓邑之子弟邑侯舉承其乏館於戟門之左因俾昂續吳李二生之後昂旣懼任鉅又懼重違長者之命乃勉從嚴諭然自憑胸臆略采見聞皆不可以傳信於是遍覓黃侯繼修遺編半得之李生焜半得之李生天植蠹餘鼠殘文多剝落殫精竭力增芟彙集凡宋元明之已事畢載靡遺

國朝之良法徽猷記錄頗悉爲志二十有二每成一卷必請裁
正於邑侯三閱月而後竣聊以報命亦使前人之廢墜由此
而復著耳敢擬稗乘之良哉至於以仁心行仁政則按籍求
之可也神明於是籍之中而因時因地以制其宜焉亦可也
自是善邑之民惟日待澤於下矣

乾隆丙寅序

知縣 魏成漢

書曰學古入官議事以制語曰不習爲吏眎已成事然則膺
百里縮銅章辨土經疆達情通欲其所有事苟不徵文考獻
泝源溯流凡民性剛柔之異山川物產之殊氣數之剝復靡
常習尙之純澆不一將何所藉以悉其偏而採其弊諳其俗
而善其宜今天下自國史而外若省若郡若邑莫不有志所

以紀得失於往代垂法戒於方來者也昔江文通謂作史難
而作史中之志尤難搜奇探異揚摧古今匪博不該傳疑徵
信芟滌繁蕪匪識不精奧旨微文義存筆削匪直不衷以嚴
正爲主華袞褒而鈇鉞貶史也以長厚爲主善善長而惡惡
短志也善自宋元符建設以來舊未有志有之自前明武陵

唐公始迨

國朝康熙乙丑高純孫公繼修之凡阨塞險要并疆賦稅遠不
漏實近不撫浮補闕拾遺朗然方策顧垂今六十餘年星移
物換其閒官師之升沈政治之沿革以及忠臣義士孝子順
孫皆待表揚以信今而傳後若湮沒不彰更越有歷年編殘
簡斷何以謝缺典於後人也余自乾隆丁巳

簡發來楚由北而南臨洩所至若衡陽安鄉祁陽平江臨湘奔走
數千里采風問俗罔棄幽遐丙寅秋蒙上憲調繁茲地稽故
實閱舊文竊爲此懼思集邑之紳耆加新葺以繼前志乃謀
於廣文李君經始其事因以纂修屬之刑曹主政張君孝廉
李君熊君明經劉君逾半載而橐脫旁搜遠紹集腋成裘華
實兼收細大具舉乃綜核而讐校之旣以自喜而因以自勗
也夫善爲湘嶽鍾靈川原之勝甲於他邑考諸舊志云士多
廉隅民尙忠義又云民樸而實其性決烈而勁直加以晦庵
南軒倡化於前共父西山揚徽於後流風善政猶有存者第
恐承平日久物熾而豐當省會之衝衢爲五方之雜處酒食
交遊相徵逐不無漸漬囂漓頓忘其古處者其何以使之引

養引恬樂桑麻安幹止雷厲而風行家絃而戶誦也閒嘗自
訟曰治民如理亂絲也今緒清縷晰能乎亦如烹小鮮也今
火調水濟能乎生齒日浩繁也而富庶能無憾乎催科安政
拙也而撫字能有效乎先事之圖後事之慮皆官斯土者所
不可廢顧余不敏夙夜兢兢靡有甯處時懷求牧之憂恐負
距心之罪幸數年來宿弊稍清訟庭闐寂俾得公庭之暇藉
手觀成因付諸剞劂而弁數言於簡端俾後之人按籍而求
不致歎杞宋無徵貽譏殘缺於以昭示來茲爲一方之信史
或不無小補云

嘉慶戊寅序

知縣 王 勳

聚一邑之山川風土典章人物咸備於一書非若制藝之造

局謀篇賦物之儷紅儷句可任吾意之雕鏤以為工也輪轅之耳目不克徧及於職方賓客之游談未必盡符於誦訓鄴書燕說襲謬踵譌其何以信今而傳後乎江淹有言作史之難無出於志鄭夾漈曰志之大原起於爾雅司馬遷曰書班固曰志蔡邕曰意華嶠曰典張勃曰錄何法盛曰說餘史并承班氏謂之志要皆詳於浮言略於事實不足盡爾雅之意然則志之為義固在於考核之精詳矣善邑之志肇自前明唐侯迄乾隆丁卯疊修以後凡七十年山川城郭如舊闡闔則殷賑而布列煙戶則櫛比而加增風俗則由樸而華人物則相觀而善其他祠廟佛寺之煥新道路津梁之修舉嬰堂學田義山之綜理周密

昇平景物百倍從前恭逢我

國家

累洽重熙養育甄陶海澨山陬咸霑

聖化由一邑之氣象可以占寰宇之休嘉表揚紀載非有司責歟歲丙子 藩憲續修通志頒定格式飭令各屬成書勳承乏茲土渺見寡聞懼無能為役爰與兩學師謀諸邑紳再四商榷往復周詳於是構設志局籌畫經費擇舉編纂參校皆秩秩乎有條不紊賴諸紳力得相與以觀厥成甚盛事也方欲詳定章程斟酌去取不泥於古不戾於今旋以微疴乞假未獲究業藥鑪臥榻靡日忘之幸吾宗菊潭先生接篆草創潤色凡十閱月書成菊潭已詳敘其顛末邑紳等以書示余余

受而讀焉美哉儀象則考驗無訛疆域則廣輪胥備典章制度纖悉必詳沿革廢興查考必核風俗足以當陳詩人物足以協輿論物產足以察民依此豈經生剽襲緣飾之空談哉惟菊潭學有淵源才優撰述故能使操觚諸君子蒐羅完備檢校詳慎各盡所長雖載言十道吉甫元和當不過是也勳復何能贊一辭哉喜邑人之有古道猶念經度之初心也遂勉爲之序

知縣

王餘英

余素有文字癖亦多有文字緣初奉

簡湖南宰甯鄉其地去善化百里而事簡於善約十之二三宰故多暇日暇故得與其邑人士講論文字上自三代下逮兩漢

每往復不輟而凡挾文章而來質者莫不欣欣然退而喜曰吾邑有文學宰也夫以余有文字癖而卽得斯地以遂其癖是則余之幸也然余非必能文而一行作吏仍復往往與文字爲緣是又重余之愧也憶去歲之春余自省回甯宴甯邑人士於雙梧堂僉曰吾邑志自李侯成一帙垂六十餘年其閒待纂輯者甚繁今亟宜續修請尸其事余愧欲辭旣又念此儒者作吏事矧

皇上續修一統志而湖南大吏又將續修省志並飭各郡縣一體修輯以待纂入省志余烏乎辭於是與甯邑人士籌經費定章程數月之間廳有規模而其志固猶未成也十二月大吏檄余遷善迺去甯余方謂善附省會簿書倥偬而今而

後無復尋文字緣雖有癖而苦無暇日乃前令戴賡先生主
 修善志與余主修甯志直先後閒事而未成猶余修甯志也
 而余於斯適踵之信夫余多與文字為緣乎抑有癖在而造
 物遂必以此相餉遺耶雖然余於甯志之未成者已思過半
 也甯簡而宰暇也今善志未成而遺於余余不及與諸君子
 共相考核善繁而宰無暇也迄宰善之明年諸君子繕其成
 稟質余補舊增新綱舉目晰余勉為校勘付諸剞劂即以余
 於甯志未及成而遷善而善志又自前令肇修諸君子纂輯
 之力余因藉手觀成之故為之序余負文字緣矣或曰余於
 二志皆得挂名亦文字癖之報然寸心千古余且歉然抱愧
 之未遑名云乎哉

善化縣志目錄

卷首

序 舊序 目錄 凡例 修輯姓氏

卷之一

星象 圖 分野 星占 星度辨論

卷之二

沿革 邑始建考 沿革表

卷之三

疆域 省脈圖 省城圖 鄉域圖 形勝 縣境四至
城池 街巷 鄉里 都甲

卷之四

山川 山 石 湘水考 江河 潭 灘 洲

卷之五

水利 塘湖堤汙壩港井

卷之六

津梁 義渡 橋梁

卷之七

公署 縣署圖 戎捕廳 省垣各署 邑郵公館

卷之八

賦役 民屯糧餉 帶派各款 俸薪役食 民屯囚田

卷之九

積儲 常平倉 社倉 積穀 儲備倉

卷之十

保息

育嬰堂 接嬰局 保節堂 全節堂 卹鄉養局
普濟堂 新普濟堂 同善堂 養濟院 卹無告
保節堂 同仁堂 兼善堂

卷之十一

學校

縣學宮 源流 圖 基址 田房租 卷局章程
田房租 學額 學署 田租 府學宮 源流 圖
田房租 嶽城兩書院 源流 圖 田房租 書院
祠祀 求忠書院

卷之十二

典禮 慶賀 上任 釋菜 貢院 文武鄉試 講約
鄉飲酒 禮儀 樂章 迎春 婚喪

卷之十三

秩祀一 先農 社稷 雩祭 厲祭 祈禱 救護 廟
祀樂舞 禮器圖 各祠祀 禮文

卷之十四

秩祀二 歷代封祀 國朝勅祀

卷之十五

兵防

歷代兵制

武員

弁額

驛汎

險要

軍器

卷之十六

風土

風俗

節序

習尚

婚喪

訟獄

權量

土產

卷之十七

官師

歷代官制
典史 駐防

知縣

教諭

訓導

縣丞

各年表

卷之十八

名宦

漢晉以下歷代名宦

流寓附

卷之十九

政蹟一

卷之二十

政蹟二

卷之二十一

選舉一

薦辟 進士 舉人
貢歲貢 廩增 附貢
孝弟 力田 孝廉 方
正 武進士 武舉

副榜 拔貢 優貢
恩賜舉人 恩賜副榜 恩

卷之二十二

選舉二

捐保實官
武階封贈

捐保職銜

恩蔭

行伍保舉

文階封贈

卷之二十三

人物一

舊志

卷之二十四

人物二

續載

卷之二十五

忠義 殉陣 殉城 殉勞 殉團

卷之二十六

耆壽 八十五起至百歲 一門 多壽 五代同堂均類載

卷之二十七

列女一 舊志節孝

卷之二十八

列女二 節孝 貞節 貞孝 寄載 孝烈 節烈 貞烈 補遺

卷之二十九

古蹟 金石文 金石器 園亭 第宅 坊表 古木 名墓 附

卷之三十

祠廟 仙釋 詩附

卷之三十一

藝文 舊志

卷之三十二

續藝文 續編

卷之三十三

祥異 兵難附

卷之三十四

叢談

凡例

戊寅舊志分二十二門續編分二十八門舊志門類有可分可合者復加釐定如山水統於疆域今分列山水一門忠義附於人物今分列忠義一門嬰堂養院諸義舉附公署社倉義倉各儲備附田賦今於公署田賦外分列積儲一門保息一門名宦政績附職官今分列名宦一門政績一門此由合而分也戶口田賦風土物產舊志各分二門今合為賦役一門風土一門此由分而合也分者以清條目合者以免紛歧餘俱仍舊

門類既列序類宜釐上觀天文首志星野中考時代下覽輿圖沿革疆域山川水利津梁以類志之分疆任職必有出治

之地次公署治先國用次賦役正供既裕澤宜旁敷次保息
 圖匱於豐樂利乃永次積儲興養繼以立教次學校教先禮
 次典禮禮重祀次秩祀修文不廢講武次兵防唯土物愛厥
 心臧次風土轉移風化在官師官師名宦政績以類志政在
 得人次選舉論定而爵之與論定以榮之存沒一致志人物
 忠義彰善也志耆壽紀祥也志列女表微也至若觀物興懷
 古蹟宜志入門生敬祠廟宜志稽著作於人文徵休咎於天
 文藝文祥異必備志其有言不盡意者乎請以叢談殿之
 序類既釐體例宜慎舊志歷遵官書式低二格恭遇

列聖

皇上

詔諭暨

朝廷

國家字樣俱如式比正文擡格三擡則出格爲止典禮諸神應
 擡者亦如式唯註中擡格易混謹倣見行禮部則例如式跳
 格恭錄

上諭俱低一格庶異各書之低二格者而
 上諭等字可不出格擡寫字體有關

廟諱

聖諱者遵功令敬避儀注音混

顯廟改載儀節以昭誠敬

志與政通恭紀

善化縣志 卷之四
上諭所以尊

聖制也各志家以

綸章未敢載入藝文或恭錄卷首或彙爲一書以示分別惟志書所記分門別類各有所重謹就各門欽奉關係之文以次恭載正以見凡關政教風俗皆仰體

聖訓原原本本卓乎可紀似較彙載一卷者更爲親切此通志體例續修遵此

邑乘原係官書故雖大吏亦直稱官稱名以符史體公署兼載撫司憲轅者所以崇會垣體製而詳畧則異官師止紀縣宰師儒丞尉城汛所以昭職守而名宦則兼載節鎮監司者甘棠遺愛民不能忘有專屬也

康熙三十五年題準節婦自三十以內守節至五十歲卽行旌表五十二年覆準民間貞女未婚聞訃矢志守節舅姑堅距其孝養絕食自盡照例旌表五十四年覆準孀婦撫子守志因親屬逼嫁投繯原非激烈輕生照五十二年貞女例旌表雍正元年

恩詔內節婦年逾四十而身故計其守節已歷十五載以上者亦應酌量旌獎續編列女傳遵照探載其年例不符而矢志固守如見存而年未及五十守逾十五年及身故而守不及十五年者舊志閒探今師其意附載本卷之末

紀載山川古蹟俱附錄前人詠歌此風俗記游覽志之體例

國朝

宸垣識畧仍之續編謹倣此體

體例既明義例宜辨志乘之義在備物垂規昭往訓後然但取計簿則言不文或徒炫誇張則誠不著此鄙與誇之弊宜去也續編之例在複者刪訛者正冗者節缺者增期於明備之中不失謹嚴之義而民生豐儉吏治得失士習浮實俗尚澆淳畢著於志使覽者有所觀感而興有所懲創而勸庶爲言之有物

欽定四庫全書提要謂武功康書削地志繁濫之習書止七篇義例分明綱目具括朝邑韓書止二十餘葉上下數千年包括巨細若有餘閒無局促束縛之迹足見文簡事覈志書之體要在此續志述舊編新俱宗舊體不敢蹈繁冗之習亦不敢

貽草率之譏

輶軒之採振古于茲風俗爲民情所見端從實類紀書其美而不隱其陋民風悉而政治之宜出焉土物就所常有者志之有裨食用者著其畧當無貽仲景本草之譏

志係紀事之書原非選本邑中者舊詩文有關掌故風化學術山川名勝者酌採亦有人本碩學者儒於詩文登選一二係以文存獻之意其餘止於列傳內註文集詩集名目此班書所志但存其目庶簡而不遺至選樓初開何遜猶在不錄其詩庶免天寶樓穎詩序並列之誚

舊志人物門分忠義鄉賢仕宦品學隱德孝友好善樂施方技等子目以至資格相繩每至世代顛倒究之窮達何分忠

孝一貫品學焉能外孝友隱德何必非樂施續編唯於咸豐兵興時徇難死綬之眾另立忠義門餘俱按時代以次據實編列亦係遵部頒格式人物祇通列而不分門以便日後增入唯孝行施濟方技有專指一行者酌爲彙書亦比事屬辭之義前後非有軒輊

志與史殊史昭法戒故善惡直書志稱美而不稱惡銘之義也然取舍一嚴與史暗合矣續編人物門採錄頗寬半出自人子稱揚其祖先之意不能不善善從長前人謂一嚴筆削動輒招尤亦經事之論唯輿論不符者未便收入恐揚其瑜反暴其瑕列傳向無合傳例續編有紀其兄而並及其弟紀其祖父而帶書其子孫者一免繁歧一示濟美於以小從大

之義尙覺不背

選舉門舊載恩歲貢分府縣學續編統恩歲爲一門而旁注府縣舊載例貢例監原係由廩增附加納今仿照凡由廩增附加貢及由廩增附保官者備載或貢或生旁注舊志有捐選無保舉今因軍務保舉甚夥其中先捐後保及旣保復捐難以區別續編併入一門其官階旁注原採未及分列照敘未經分發另載捐保職銜類行伍係軍功出身者歸行伍保舉內舊志所載照敘

舊志封典夫婦並載續編止載封級原何品爵不載妻氏恭淑等字以婦從夫爵載夫而婦可類推也舊志耆壽自八十始續編因累洽重熙之後上壽實繁例從八十五歲以上始

其本身八十五正書祖父子孫壽逾八十者旁注或一門多
壽夫婦雙壽同堂五代者彙書

學記入學釋菜示士知敬故恭紀文廟於學校之門而名宦
鄉賢忠義節孝附載周禮國祀有大祀次祀小祀示民知禮
故祠廟係紀秩祀諸神而城鄉相沿寺觀附載易舊志寺觀
而稱祠廟者示崇正祀而非崇釋老朱竹汀以金石遺文出
寺觀者十之九故次祠廟於古蹟之後亦卽志寺觀以存古
蹟之意

此次續修規撫俱遵舊章述則不作也各門小序多仍舊原
序舊凡例俱備載以示修纂各有時世各具心思後之視今
亦猶今之視昔閱者可勿徒作旁觀之易爲智也

乾隆丙寅凡例

一振裘者必挈其領紀事者務提其要史備三長志綜諸體
考義就班各從其類舊志若封建建置風土及選舉人物先
後錯置爰釐正體裁博綜義例門分十二隳括全書若網在
綱有條不紊

一邑志自康熙乙丑修葺維時圖籍散軼一切多草創缺畧
今據孫本參酌考校善者因之漏者補之顛倒者次序之仍
舊者俱標舊志以別之斷不若攘善之伯宗竊註之郭象也
一編次先著題詞此通例也今重加蒐輯因据舊牒爲藍本
而時移勢異有不得相仍襲者匪示新裁亦以引端各有指
趣云爾

善化縣志 卷之七
一善志有二一爲嶽麓志一爲縣志凡麓志所詳游觀登眺之勝概茲不復贅聞有彼此俱載者亦惟兩不可缺故無妨於互見

一序文所以紀作者之緣起凡前有序在篇端暨首事共事之人俱存而不泯俾一時苦心千古如揭庶幾薪傳不盡

一原載人物姓氏悉從其舊列傳則甯樸無華甯簡無冗匪敢云董狐之直幸勿受爾朱之私

一丁攤於糧役併於賦起運以充天府存畱以裕地方國計民生如灌輸然今按賦役全書將額征各項支用諸色一一

按款註載庶

國家寬恤之仁閭邑經費之制展卷洞然可稽

一學宮書院義學各基址間爲附居者隱臆假而不歸其漸不可長也今按舊載繪圖志中查清四至抵界暨歷來案宗杜私侵復勝蹟庶講學育材之區永宏盛澤

一新載人物必查清籍貫考核真贗秉公採取期於允當內惟節婦合例者無論沒存得備書事蹟此外概不爲生者立傳以益棺論定也

一

御製不敢彙入藝文其他有文與事相發明者亦間附載以便檢閱至疏議諸體凡皆敷奏之文爰做通志并隸藝文若前賢著作暨近代詞章擇其雅馴量加增補

一人物自宋王玠至

善化縣志 卷之首
國朝方技通共二十四葉列女宋趙淮妾起至

國朝梁氏止共一十七葉典禮自劉李二公祠至洪恩寺止補入三葉以上皆經詳核計人物新舊一百二十五傳列女新舊一百傳方技四傳

嘉慶戊寅凡例

一新志分首末二卷星象至寺觀分三十卷共計三十一卷分二十二門

一志內次序畧有斟酌星象志天沿革志代疆域志地此志之大者因天乘地酌古準今於是乎有事公署治事之總也以戶口志人民以田賦志財用以學校志師儒次及津梁水利皆切於民先成民而後致力於神故次秩祀敬歲時而尊

王制故次典禮由文而及武故次兵防凡此皆治法也有治法必有治人職官治官也有官則有政績有政績則有名宦故以職官總之王者勞於求賢而逸於任人則選舉宜重也人物節孝皆自此而興志人物列女以表微也此外則因俗而立教宜採輶軒物土而布利宜辨食貨故風俗物產次之考洪範而察庶徵春秋所以書雨旱螽蝗也故次紀祥異自古在昔先民有作志古蹟不忘初也藝文者古人之述作擇其有神於世教者登之傳曰言以考與藝文志言也祠廟之外有寺觀人物之外有仙釋均得志之然不敢謂無遺也故以拾遺終焉

一天文圖悉遵

欽定靈臺儀象及步天歌摹繪軫中長沙子一星舊用小線聯之
非是天文志曰長沙一星不附軫以屬吏自爲官也

一城基來龍舊志所載如婆仙嶺至龍頭鋪形家多議其誤
今特倩老成識地理者往返百里細加審定亦未敢信爲必
然故仍錄舊志而附今說於後

一公署原統儒學祠廟卽有祀典原難割裂因其中頭緒甚
繁未敢從畧故儒學列於學校以明職守祠廟統於秩祀分
爲二卷

一舊志田賦比較通志及賦役全書閒有不合茲特逐一查
核將則田山地塘壩凡科糧派馬相合者彙爲一類屯田又
爲一類雜課帶派等項又爲一類仍將通邑經費附載於後

總以見在全書爲據

一田畝各有弓口舊志注載大小坵數適滋弊端今只載坐
落地名及畝數糧數佃戶姓名將來按冊稽查照糧核畝如
有隱贖侵盜等情不難立見

一例貢例監職銜由生員捐納者載從九未入實係本籍之
人已捐分發者載虛銜不載六品以上實係本籍者虛銜亦
載非本籍而冒捐本籍者不載掾員或係寄籍或本籍未經
考取選用者俱不載

一舊志人物分忠義鄉賢仕宦品學智畧孝友樂善好施方
技八項列女分節婦孝婦貞女三項新志分仕宦品學隱德
孝友樂善好施五項列女分節婦孝婦節烈貞烈貞節貞孝

六項耆壽另為一卷皆據實節錄文省事核

一舊例生不立傳以蓋棺事乃定也惟割股一事其孝發於

至誠不容埋沒許生立傳

一樂善好施其事必屬邑中義舉其捐助必出私囊眾目共

見鑿鑿可據方許敘入若倡議公修者其財出於眾姓不得

私竊美名

一人物節孝各傳自應於奉文設局之時邑紳公舉採訪無

訛方準編人

修輯姓氏

主修

同知銜補用直隸州黔陽縣知縣署善化縣事 吳兆熙

運同銜即補直隸州署善化縣事 黃世煦

知府用補用直隸州署善化縣事 冒沅

協修

善 化 縣 教 諭 陳運亨

善 化 縣 訓 導 楊世鑣

督修

花翎二品頂戴湖北按察使 唐際盛

鹽運使銜以道員用湖北候補知府 黃式度

知州	銜新田縣教諭	劉溥
花翎	湖北候補道	周樂
花翎	浙江候補道署浙江按察使	唐樹森
湖北	候補知州	畢大琛
揀選	知縣	楊任光
纂修		
五品銜	候選光祿寺署正	張先掄
五品銜	先用訓導	黃飛翰
國子監	典簿銜附貢生	黃昌鳳
同知銜	河南補用知縣	鄒之翰
知府銜	陞用知縣	平江縣教諭
		章時瑞

候選員外郎	韓炳章	
監修		
運同銜	候選布理問	陳開濬
五品銜	候選布理問	唐啟垠
藍翎	五品銜候選州同	張聲鏞
知府銜	候選員外郎	俞錫爵
花翎	江蘇卽補道	凌蔭庭
花翎	河南補用府候選道	徐元燮
員外郎銜	候選主事	勞文漢
候選	同知	潘兆松
中書	料中書	楊光培

五品銜選用訓導 張恩濟

參訂

章瑞應

歲貢候選訓導

蕭毅

五品銜甯遠教諭

杜家鏞

歲貢候選訓導

張時澍

增貢生

張光昌

附生

柯濬

五品銜候選訓導

黃式雍

附貢候選縣丞保陞知縣

張恩澧

恩貢候選訓導

賀肇衡

保陞知縣候選教諭

陳鎮

同知候選

劉偉

廩生

勞啟捷

花翎三品銜戶部郎中

張炳麟

歲貢候選訓導

侯慶恩

國子監典籍銜

陳開瑞

光祿寺署正銜新甯縣訓導遇缺先用教諭

夏家雯

監生

陳際昌

五品銜候選訓導

鄒紫垣

舉人揀選知縣

張銘業

廩生

劉金垣

浙江補用鹽運副

張宗燾

歲貢

劉源龍

州同加二級候選縣丞

黃炳崑

廩生

楊家貞

附生

李瑞昌

廩生

唐鍾溥

從九職

采修

杜金澤

增貢國子監典籍銜

胡逢藻

附貢國子監典籍銜

王篤斐

江西巡檢

章瑞萼

同知銜

吳縉榮

藍翎五品銜

陳宗鏗

例貢五品誥職

黃世寬

例貢生

劉謙恕

從九

熊景岷

增生

黃壽祜

附生

張澤渥

從九職

帥緒昌

優附生

黃先甲 廬生花翎都司

鄒耀湘 監生

陳中履 附貢國子監典籍銜

張詠霓 監生

黃錫康 監生

陳紹蕃 歲貢候選訓導

黃傳範 監生

凌嘯雲 藍翎五品銜

王鼎運 附貢國子監典籍

謝式南 州同銜

梁國棟 例貢生

張壽衡 廩生

劉達聰 監生

陳壽祺 附貢浙江候補通判

楊駿昌 附生

周楚瀛 同知銜

郭祖俊 監生

龔運璧 附生

周鴻運 附貢

歐春熙 附貢

王正篤 從九職

張澤琮 候選府經歷

謝光鈺 增貢

陳祖榮 監生

盛世昌 從九職

張福厚 國子監典籍

譚廷慶 附生

張誠思 州同銜

李宗楨 監生

繕校

王兆麟 候選縣丞

夏職鈞 從九職

舊志修輯姓氏

陳鵬 從九職

余國士 附生

張澤厚 從九職

黃慶榮 監生

譚國炯 監生

盛煒 附生

趙榮甲 五品封職

何慶麟 監生

郭世藻 從九職

明萬曆癸丑志

纂修官

善化縣知縣唐源

參閱 善化縣教諭陸寬

總訂 太原府知府邑人黃洽中

編輯 善化縣

邑 庠生 吳道行

明崇禎癸酉志

纂修官

善化縣知縣黃承中

編輯 善化縣

邑 庠生 吳道行

國朝康熙壬子志

纂修官

善化縣知縣孫浩

編輯 善化縣

邑 廩生 李有藻

邑 廩生 李焜

康熙乙丑志

纂修官

善化縣知縣孫謙

參閱

善化縣教諭姚之年

善化縣訓導鄭昌

編輯

邑貢生趙又昂

乾隆丙寅志

纂修官

善化縣知縣魏成漢

參閱

善化縣教諭李孔授

善化縣訓導田祖藩

編輯

刑部主事邑人張汝潤

邑舉人李紹衣

邑舉人熊祖熊

邑貢生劉大正

嘉慶戊寅志

倡修

善化縣知縣王勳

纂修

善化縣知縣王餘英

同閱

善化縣教諭 歐陽鈞

善化縣訓導 傅信榮

闔邑士紳 公修

善化縣志卷之一

星象


星為山嶽之精氣所鍾在朝象官在野象物在人象事周禮
馮相保章之設傳載熒惑歲星之占非無稽也善邑地屬湘
南南為長養之方軫乃壽昌之應我

國家治協璣衡時調玉燭瞻


辰極而紀休祥宜何如作觀也志星象




天文翼宿圖



東甌五星今儀象志無




天文軫宿圖




軍門二星土司空四星器府三十二星青邱四星今儀象志無



器府




七宿總圖




南方朱鳥




北斗第二星分楚圖




太微垣上台二星分楚圖




五車五星在畢東北分楚圖




天市垣西蕃十一星分楚圖



紫微垣天極星定分野度數圖
 楊泉物理
 論北極天
 之中極南
 為太陽北
 為太陰元
 史衡嶽北
 極出地二
 十度鄂三
 州出地三
 十一度半



牛女之南魏西一星分楚圖



分野

周禮鄭註保章氏以星土辨九州之地封域皆有分星鶉尾

楚也唐占經曰朱鳥七宿以軫為尾故曰鶉尾

史記翼軫荊州

西漢志翼軫楚之分野今之南郡長沙皆楚分

星經張凡十七度一云十七度二十五分內十八尺為黃道

星經翼凡十八度一說十八度七十五分內十六尺為黃道

星經軫凡十七度一云十七度三十分內十三尺為黃道

黃帝分星自張十八度至軫十一度為楚分

費直周易起張十三度至軫七度為鶉尾荊州分

蔡邕月令章句起張十二度至軫六度謂之鶉尾

班固三統歷自張十七度至軫十一度為鶉尾於辰在巳分

野屬荊州

陳卓郡國纏次自張十七度至軫十一度為鶉尾於辰在巳

又云長沙入軫十六度

皇甫謐世紀自張十八度至軫十一度曰鶉尾

唐書天文志翼軫鶉尾也起張十五度至軫九度

又曰杓以治外故鶉尾為南方負海之國

又曰星紀鶉尾以負南海其神主於衡山熒惑位焉又曰鶉

尾初張十五度餘千七百九十五杪二十二太中翼十二度

終軫九度自房陵白帝而東盡漢之南郡江夏東達廬江南

郡濱彭蠡之西得長沙武陵又逾南紀盡鬱林鶴浦之地自

三湘上流西達黔安之左皆全楚之分自富昭象龔繡客自廉州以西亦鶉火之墟古荆楚鄖都羅權巴夔與南方蠻貊之國翼與昧張同象當南河之北軫在天關之外當南河之南其中一星主長沙逾嶺徼而南爲東甌青邱之分

史記軫旁一小星曰長沙

唐書地理志軫四星其中次小者名長沙而長沙入軫十六度今考湘鄉屬古零陵餘州縣十有一北抵岳州之巴陵臨湘平江南表之衡陽衡山鄱縣安仁迤而西南得寶慶之邵陽新化皆古長沙地爲軫之終度焉

張謂曰長沙一星在軫四星之側上爲辰象下爲郡縣遁甲所謂沙土之地雲陽之墟可以長往可以隱居者也

宋天文志軫中一星名長沙一曰玉衡

中興天文志長沙一星不附軫以屬吏自爲官也

軫宿步天歌四星似張翼相近中央一箇長沙子

新定渾天儀軫宿歌翼東四星斜不整中央一箇長沙子

以上係翼軫分野

宋天文志北斗第二星曰璇其分爲楚

宋天文志太微垣三台六星兩兩而居其西北近文昌二星曰上台上星主兗豫下星主荆揚

宋天文志天市垣二十二星西藩十一星南二曰楚

宋天文志五車五星在畢東北中央星曰司空主鎮星楚也

宋天文志十二國凡十六星在牛女之南魏西一星曰楚

以上係北斗太微天市五車十二國分野

星占

〔星經〕星孛於鶉尾荆域有變黑雲氣貫翼軫主荆楚水

〔史記天官書〕軫爲車主風

〔張守節正義〕軫四星主冢宰輔臣又主車騎亦主風占明大

則車騎用長沙一星在軫中主壽命占明則主長壽子孫昌

〔晉書天文志〕土司空四星在青邱西主界域亦曰司徒均明

則天下稼穡豐

〔宋史天文志〕青邱七星在軫東南蠻裔之國號守常則吉

軍門二星在青邱西天子六宮之門主營候設豹尾旗與南

門同占 器府三十二星在軫宿南樂器之府也明則八音

和君臣平

星經北斗星明主天下昌

隋志天璇北斗第二星也謂之法星陰刑女子之象主月爲

楚

星經三台六星上台二星爲司命主壽三台星明上下和法

令平

星經天市中眾星潤澤歲豐 西藩第二星主楚財帛明大

吉

唐書熒惑色赤循軌天下乂安年穀順成變色災

星度辨論

明邑人吳道行曰按荆楚分野總在鶉尾之巳以今所用授

時歷爲準起張十四度三十分至軫十度八分則長沙當在軫九度內矣乃諸說紛然淆亂余考楊孝廉府志補遺及星歷諸書已之分星張翼軫張十四入巳何待十七十八也軫十度人辰爲鄭其地在京東西路究陝閒長沙豈能飛越至一十六度耶況晉書以武陵入軫十長沙入軫十六考世紀載一度爲二千九百三十二里武陵至長沙僅五百里豈至差五度乎大率新舊唐書俱云起張十五終軫九自房陵等處濱彭蠡之西得長沙費直起張十三終軫七以唐有袁李二太史精星歷費直精易理其說與授時歷相近卽各差一度亦歲差之法宜然此其說可據也至張衡云長沙星明主多壽世卽謂長沙爲壽星壽星屬辰與主壽之說不同星經

以熒惑主荆楚癸卯應長沙但火爲熒惑出沒不常何以主楚按大撓甲子癸卯在大火之分非應長沙考太乙書則云長沙丁巳城也又長沙星史記謂是軫旁小星通志云四星中次小者唐書云其中一星考軫宿歌曰中央一箇長沙子謂爲軫旁與其中者俱非府志補遺又以長沙子卽軫四星中一星然軫四星左右兩轄星長沙子實在中央比四星差小今其圖具在斷非四星中之一星矣

魏志論曰或謂長沙子爲軫旁一星或謂爲軫中一星以愚見天體圓而動其行左旋軫宿旋至天中則左轄右轄四星平列人面南正視之長沙子恰在中央軫宿旋至西畔則左轄移上右轄移下四星俱偏列人面南側視之長沙子恰在

右旁蓋軫共七星並無八宿爲中爲旁但正側視之有異其實皆此一星也

滄甯陶汝鄩曰分野視分星古不謂地也地域不常分野則定故國在此而星常在彼鄭氏所謂星土星所主土也郡國志但書分野無辨星緯之文楊先輩補遺謂郡得星名迺詳論之考吳氏續志所述皆楊氏語而楊所引據亦曰天文圖軫宿歌惟中間中央一字之淆千里矣然史記曰軫爲車主風正義曰軫四星居中長沙一星左右二轄合爲七星則中央與旁一星之說具有索隱曰軫四星居中左右二星爲轄車之象也而未及長沙今繪圖止五星耳然乎否與張衡司馬貞宋均皆古博學而精象緯者請另爲一圖並存以俟鏡

機之士

府志論曰甘氏云軫七星蓋軫四星長沙一星轄二星合七星也黃帝占曰軫者以候王者壽命故置長沙一星以延期張衡天象賦長沙明而獻壽車轄朗而陳兵又十三志漢有萬里長沙祠西自湘州至東萊萬里故曰長沙漢長沙郡晉永嘉初置湘州萬里之遠自此始矣惟天子之壽足以當之故巫咸曰長沙明天子壽豐則軫宿所照殆不獨長沙一郡矣又按晉書桂陽入軫六度長沙入軫十六度考漢費直蔡邕魏陳卓及唐書所分軫度起止未有以楚屬軫十六度者似軫十六度猶在壽星之次爲鄭分也惟京房張衡譙周所論與晉書略同耳附記於此以俟司天者之考定焉

湖廣通志舊謂長沙之名起於周又曰星沙以星名按遁甲記沙土之地雲陽氏之墟路史曰沙爲長沙乃少昊氏生胙土於長沙故軫宿之中有長沙世紀亦曰其開國也於長沙湘川記秦分黔中以南長沙鄉爲長沙郡是長沙之名始於洪荒之世而以之爲鄉爲郡則在後世耳星以沙而得名非沙以星而得名也

按車區占星因象立名如斗似斗箕似箕是也軫四星斜而有兩轄故以軫名之輪轂致遠之具一日一周天其行遠矣中有小星故以長沙名之長沙者所謂萬里長沙也言軫之行遠也咸陽之望黔中南北極遠秦分黔中地爲今長沙故借是星以名其郡亦用萬里之義唐天文志謂鶉尾爲南方負海之國自不專主楚鄭氏云鶉尾楚也據春秋時楚強盛故卽從其著者言之鶉尾之負南海遠矣荆楚未足以盡鶉尾何楚中之一郡可當鶉尾中之一星哉考古者在得古人命名之義耳

善化縣志卷之一終

善化縣志卷之二

沿革

溯自禹貢曰荆成周封楚漢晉唐宋疊號湘州潭州縣統長沙後析置為龍喜善化之建肇自元符五分於長沙則善即長治二分於潭邑則善即潭鄉考乎沿革之所由來地共湘城名新靳水分而合合而分其縣境可按圖而稽其稱名亦因義而取蓋有感於邑之人蒸蒸向化皆樂於為善云耳志沿革

癸丑唐志善邑之設始於宋其地自帝嚳置九州屬於荆唐虞夏商周仍之春秋戰國屬楚秦置郡曰長沙是爲湘縣湘南縣地則稱縣之始也漢高帝五年置長沙國以封吳芮改湘縣爲臨湘而湘南隸焉景帝封其子定王發於臨湘武帝元封五年屬荊州刺史部迄新莽則又改臨湘曰撫睦東漢仍屬長沙郡尋以湘南地析醴陵臨湘三國時先主征長沙二十年吳遣呂蒙取之以湘水東屬吳西屬蜀吳隨兼并太平二年乃分東部爲湘東郡西部爲衡陽郡晉破吳仍屬長沙郡惟湘南仍屬衡郡永嘉初置湘州而總屬之咸和罷湘州復隸於荆至南北朝宋改郡爲國兼置湘州治臨湘齊改國爲郡梁專屬湘州改湘南爲湘潭隋自開皇平陳淑慎

置潭州改臨湘爲長沙縣大業三年仍屬長沙郡尋以湘潭隸衡郡唐天寶初仍屬長沙郡尋復改潭州中和屬欽化軍節度使光啟屬武安軍節度使唐天成二年封馬殷爲王入潭州改爲長沙府則稱府之始也歷後晉天福終其地猶名長沙湘潭後漢改長沙爲新喜縣宋乾德元年置防禦使罷新喜爲常豐開寶後廢常豐入長沙屬潭州端拱五年仍屬武安軍節度使至道三年屬潭州隸荆湘南路哲宗元符元年分長沙五鄉湘潭兩鄉始置善化縣屬潭州焉建炎四年爲金人所屠德祐二年降元元置潭州路天歷中改屬天臨路至正間僞漢陳友才據之明甲辰寨長王忠信以善化歸附洪武三年改路爲潭州府五年仍改屬長沙府隸湖廣布

政下湖南道十年省入長沙縣十三年復爲善化迄今縣治相仍其別名曰靳江

乙丑孫志按省志天文分野書文獻通考皆云善化元符元年置府志獨云開寶又云至道三年以潭州屬荆湖南路領長沙善化十一縣考史鑑開寶至道時俱未載列豈以開寶末潭州守朱洞興學嶽麓故耶稽嶽麓所載朱洞事無一語及善化則開寶至道之說譌卽府志補遺云府舊志載宋以前屬長沙縣朱張講學嶽麓郡人悉爲善化元符九年建因以善化名考元符止三年而朱子生建炎四年張子生紹興三年俱在元符後八十年均屬譌舛應正之以俟稽疑者至得名之義總取衷於守令倡化邑人彬彬向善云

丙寅魏志按長沙縣舊志本通志沿革表例以總部統郡以郡統縣而國路府與郡並列今悉倣之但秦分天下爲三十六郡案分天下爲十五路則係統轄宜列之總部若漢之郡元之路則係分隸宜列於總部之下漢初分封逾制王國擁名城數十亦宜列之總部至歷代稱州或爲統轄或爲分隸各考當時之制別而列之其閒藩封割據卽於表內附詳焉

按方輿紀要載後漢乾祐三年馬希廣奏析長沙縣東界爲龍喜縣龍喜一名新喜東界卽今善化縣地縣治在二都六子嶺一帶至今土人呼爲古城基見有形迹尙存宋乾德二年廢龍喜置常豐開寶六年廢常豐入長沙至元符元年析長沙五鄉及湘潭二鄉置善化縣明洪武初廢善化人

長沙未幾復置善化則善化之名自宋始而善化即龍喜縣實自後漢始也今志沿革當從之

周	商	夏	虞	唐
總部				
府路國郡				
縣				
俱荆州				
周成王封熊繹於楚居丹陽今				

秦	漢	東漢
長沙郡	長沙國	荆州刺史部
始皇二十六年分黔中地為長沙郡	高祖封吳芮為長沙王凡五傳景帝封子發為長沙王是為定王凡七傳	荆州刺史部
枝江縣地其後並吞長沙屬楚境南		
長沙郡	長沙郡	長沙郡
		建安五年劉表攻長沙下之十

	晉	
	荆州	
湘州 永嘉二年分荆 州湘中諸郡置 湘州咸和四年 罷後復置義熙 十三年省湘州		
長沙郡 明帝封陶侃為 長沙郡公凡數 傳入宋降吳昌 侯	長沙郡 武帝封子父為 長沙王是為厲 王後舉兵敗被 殺	三年劉備徇長 沙太守韓元死 遣呂蒙取長沙 備和於權分湘 水東屬權西屬 備後併於吳

南宋	齊	梁	陳
湘州 武帝分荆州十 郡置湘州	湘州	湘州	湘州
長沙國 武帝封弟道憐 為長沙王是為 景王傳子義興	長沙郡 高帝封子晃為 長沙王是為威 王	武帝封子建為 湘東王明帝殺 之	武帝追封兄懿 為長沙宣武王 凡再專

	隋		
	唐		
	江南道		
	潭州	潭州 罷皇九年湘州 平置潭州	宣帝封子叔堅 為長沙王叔平 為湘東王入隋 叔堅為遂甯郡 守叔平為蘇湖 公
	長沙郡	大業三年改潭 州為長沙郡	
	潭州	天寶改長沙郡 尋復為潭州中 和置欽化軍節 度使光啟二年	

	後梁		
	後唐		
	後晉		
	後漢		
	俱潭州	太祖封馬殷為 楚王傳子希聲 希範希廣希萼 希崇南唐邊錡 入長沙遷馬氏 金陵	改武安軍節度 使乾甯三年拜 馬殷潭州刺史
	龍喜縣		

後周			
宋	荆湖南路		
潭州	建隆三年張文表襲潭州據之 乾德元年潭州 平置防禦使端拱元年仍置武安軍節度使至道三年以潭州屬荆南路	周廣順二年王言劉進遠進攻邊 鎬鎬走授進遠 武安軍節度使 顯德三年周行逢據潭州	漢乾祐三年馬希廣奏析長沙縣東界為龍喜縣龍喜一名新喜東界即今善化縣境方輿紀要縣治在六子嶺
常豐縣	乾德元年罷龍喜置常豐開寶六年廢入長沙		
善化縣			哲宗元符元年析長沙五鄉湘潭兩鄉置縣

元	湖廣行中書省		
明	湖廣承宣布政使司		
潭州路	天歷改隸天臨路至正間偽漢將陳友才據潭州	潭州	
善化縣	至正甲辰明太祖伐漢寨長王忠信以善化降	善化縣	
長沙府	洪武五年改潭州府為潭州府	長沙府	
沿革	洪武十年省善化入長沙十三年復為善化	沿革	太祖封子梓為

<p>潭王後坐事國 除祖徙封谷王 成祖於長沙後坐 懋廢為庶人 譴廢為庶人 仁宗封子瞻塘 為襄王後徙襄 陽 英宗封子見浚 為吉王是為簡 王傳定王端王 莊王宣王宣王 孫由棟嗣立張 獻忠破長沙王 走粵國滅世宗 封端王子翊鉉 為長沙郡王是 為恭簡王傳昭 靖王昭靖傳子 由楫又封端王 子翊鉉為穀城 王是為昭憲王</p>	

國朝	
湖廣承宣布政使司	萬曆二十七年 設偏沅巡撫
湖廣承宣布政使司 長沙府	傳溫裕王溫裕 傳子由楷不法 卒神宗封宣王 子常汶為德化 王常激為福清 王
湖廣承宣布政使司 長沙府	順治四年歸附 仍明制隸湖廣 布政司
善化縣	善化縣
善化縣	善化縣

善化縣志

康熙三年以沅
撫移鎮長沙添

沿革

	設藩臬專治湖 南雍正元年分 設學院於長沙 湖南與湖北遂 為兩省

終

